



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Mora.

urn:nbn:de:hbz:466:1-30427

neque licet vt vnus solus sit venditor, vel emptor: & contrarium facientes, peccant mortaliter, propter penam exilij, & spoliationis omnium bonorum appositam. Insuper quia hoc est contra iustitiam, & bonum reipubl. Ideo tales essent penitus exterminandi e ciuitatibus.

MORA.

¹ **MORA** incurrat quis, quando non facit, quod facere tenetur, & eo tempore vt not. in c. vlt. de loc. Et quando dies appositus est obligationi, non requiritur monitio. vt quis constituitur in mora in d. c. vlt. quia dies pro homine interpellat. Si dies non sit appositus, requiritur monitio: secundum Pa. in c. licet Heli. de sumo. & de accus. c. 2. quamuis gl. in d. c. licet Heli. dicat quod in pecuniarijs admonitio est de honestate, non de necessitate. infra, §. 2. Obligatio. §. 5.

² **MORA** svs tenetur ad restitutionem damni emergentis ex tali mora ipsi creditori, & lucri cessantis. Et not. quod non dicitur in mora, qui potest se tueri legitima exceptione: per regulam, non est in mora. de reg. iur. lib. 6. Ignorantia autem, quando quis tenetur, & impossibilitas excusant a morositate. per l. quod te. ff. de re. cre. & quando non fuit monitus: secundum Ludo. de Ro.

³ **MORA** purgatur ex celeri solutione ante facta requisitione: vt not. in d. c. vlt. Not. q. mora & culpa equiparatur, nisi in hoc, quod mora est purgabilis. l. seruum. ff. de verb. obl.

⁴ **MORA** a sua vnicuique, semper est noticia: propterea si quis est in mora restituendi aliquid, & casu etiam fortuito pereat, nocet moroso, nisi clarum sit, quod eodem modo apud dominum perisset. per l. si. §. 1. ff. ad leg. Rhod. de iact. Si autem dubium est, non liberatur debitor: quia interpretatio fit contra eum. l. cum res. ff. de leg. 1. §. final.

⁵ **S**i debitor fuit in mora soluendi, & postea creditor in mora recipiendi, vel e contra, vltima mora nocet. l. debitor. ff. de vsur. & fru.

⁶ **MORA** semel commissam purgari non potest, quando dies praefigitur a lege, vel canone penam imponente: vt dicit Ioan. And. in regula, mora. in 6. de re. iur. quia pena semel commissam non purgatur, & sic intellige iura dicentia moram non purgari. de elect. c. in consuetis nisi in eodem canone caueatur, quod mora possit purgari, & pena vitari. & ita iura contraria, quae videntur velle, quod purgari possit: vt in c. d. 18. & d. 100. c. quoniam. & de sup. neg. pracla. c. literas intelliguntur.

MORTVVS.

¹ **MORTVVS** m. spoliare: peccatum est contra legis prohibitionem. l. 3. ff. de sepul. vio. quia spoliatores met tuorum latronibus comparantur. 4. l. Ethicorum.

² **MORI** pro salute proximi, quando adest articulus necessitatis, quilibet tenetur esse paratus: quia ad hoc cogit charitas, supra, Episcopus. §. 3. & 4.

³ **NON** est peccatum petere a mortuo, vt post mortem veniat, & de suo statu informet: secundum Th. q. 3. q. 9. a. 1. secundum tamen diuinum iudicium. Et licet tamen peccatum, si hoc procederet ex dubitatione fidei, vel ex alia iniusta causa. Magis enim scripturis factis, quam mortuis credere tenemur: vt ex euangelio Luc. c. 16. colligitur.

⁴ **EXPONERE** se mortui periculo pro salute personae, per quam ecclesia, vel res pub. sustentatur, laudabile est: secundum Th. secunda secunda. q. 12. a. 6. Et nullus est a morte eripiendus contra iuram: secundum Th. ij. q. 10. a. 12. ad 2.

⁵ **MORS** illata etiam pro crimine, aufert totam penam peccati, vel partem, secundum quantitatem culpe, & patientiae, & contritionis, si patienter toleretur: non autem sic de morte naturali, per quam non purgatur quis a peccatis actualibus: secundum Th. secunda secunda. q. 164. a. 1. ad 6. licet quidam oppositum teneant, & male, quia in naturalibus neq. meremur, neque demeremur: vt sic. Scotus autem in 4. sent. d. 21. dicit, quod si voluntarie acceptetur, est sufficiens pena pro venialibus.